

CYNGOR BWRDEISTREF SIROL CAERFFILI

CYFADRAN GWASANAETHAU CYMDEITHASOL - TÎM COMISIYNU

ADRODDIAD MONITRO CONTRACT

<u>Enw/Cyfeiriad y Darparwr:</u>	Mirus-Wales, Adeilad Melin Homes, Tŷ'r Efail, Lower Mill Road, Pont-y-pŵl, NP4 0XJ.
<u>Dyddiad yr Ymweliad:</u>	Dydd Gwener 13 Medi 2019, 9.30am - 12.00pm (ymweliad swyddfa)
<u>Swyddog yn Ymweld:</u>	Andrea Crahart, Swyddog Monitro Contractau, CBSC
<u>Yn Bresennol:</u>	Chris Paul, Unigolyn Cyfrifol Nicola Sullivan, Rheolwr Rhanbarthol Kim Ayoub, Rheolwr Tîm

1. Cefndir

- 1.1 Cynhaliwyd yr ymweliad â swyddfa Mirus-Wales er mwyn gweld gwybodaeth a gedwir yn y swyddfa mewn perthynas â ffeiliau staff, hyfforddiant, goruchwylio/arfarnu, gwybodaeth am yr Unigolyn Cyfrifol, cwynion/canmoliaeth. Cwblhawyd Offeryn Monitro Byw â Chymorth Cyngor Bwrdeistref Sirol Caerffili at ddibenion casglu gwybodaeth yn ystod yr ymweliad monitro.
- 1.2 Mae Mirus-Wales yn darparu cymorth arbenigol i oedolion o bob oed ag anableddau. Mae un maes gwasanaeth yn cynnwys 'byw â chymorth a rennir', lle mae staff yn cynorthwyo nifer fach o bobl mewn eiddo ac sydd â'u cytundebau tenantiaeth eu hunain. Mae'r darparwr hwn yn dewis staff yn ofalus i gynorthwyo pobl, ac mae pobl yn cael cymorth gyda rhai meysydd fel rheoli'r cartref, cyllid, sgiliau/annibyniaeth a chyfranogi yn y gymuned.
- 1.3 Mae'r landlord a'r darparwr cymorth ar wahân yn gontractiol. Mirus-Wales yw'r darparwr cymorth, a Cymdeithas Tai Unedig Cymru yw'r landlord, ac felly maent yn gyfrifol am yr holl waith cynnal a chadw/atgyweirio yn yr eiddo.
- 1.4 Ar hyn o bryd, mae tri pherson yn byw yn yr eiddo yn Nelson ac mae dau berson yn byw yn yr eiddo yn Nhir-y-berth, sydd ag 1 swydd wag.
- 1.5 O ran 'proses dethol tenantiaeth', bydd Mirus-Wales yn 'paru' pobl drwy gynnwys tenantiaid presennol (lle bo'n briodol), aelodau o'r teulu a gweithwyr proffesiynol priodol i geisio sicrhau bod pobl yn cyd-fynd â'i gilydd. Mae yna gyfnodau prawf lle mae addaswydd unigolyn yn cael ei adolygu'n rheolaidd ac ymdrinnir ag unrhyw faterion cyd-fynd yn rhagweithiol.
- 1.6 O 2018 hyd heddiw, dim ond un digwyddiad a adroddwyd drwy'r Rheolwr, ac aed i'r afael â'r digwyddiad gan Dîm Diogelu Caerffili. Yn dilyn hynny, deliodd y darparwr â'r digwyddiad hwn mewn modd priodol a rhagweithiol. Ni chafwyd unrhyw bryderon eraill gan weithwyr proffesiynol eraill ers hynny.

- 1.7 Nid yw Arolygiaeth Gofal Cymru (AGC) wedi cynnal ymweliad arolygu ers i Mirus-Wales ailgofrestru ym mis Ionawr 2019, felly nid oedd unrhyw wybodaeth gyfredol ar gael yn rhwydd.
- 1.8 Yn dibynnu ar ganfyddiadau'r adroddiad, rhoddir camau unioni a datblygiadol i'r darparwr i'w cwblhau. Camau unioni yw'r rhai y mae'n rhaid eu cwblhau (fel y'u rheolir gan ddeddfwriaeth, ac ati), a chamau datblygiadol yw'r rhai yr ystyrir eu bod yn arfer da i'w cwblhau.

2. Argymhellion Blaenorol

- 2.1 Cadarnhawyd yn flaenorol bod yr holl gamau unioni a datblygiadol a nodwyd o ymweliad â'r Brif Swyddfa ym mis Gorffennaf/Awst 2018 wedi'u cyflawni.

3. Unigolyn Cyfrifol

- 3.1 Roedd y gwasanaeth wedi ailgofrestru ag AGC ym mis Ionawr 2019 i fodloni'r gofynion cofrestru yn y rheoliadau newydd, sef Deddf Rheoleiddio ac Arolygu Gofal Cymdeithasol (Cymru) 2016 (RISCA) a ddaeth i rym ym mis Ebrill 2018.
- 3.2 Unigolyn Cyfrifol y gwasanaeth yw Mr Chris Paul. Yn ôl y Ddeddf, mae disgwyl y bydd yr Unigolyn Cyfrifol yn ymweld â'i wasanaethau o leiaf bob chwarter er mwyn cael trosolwg o'u hansawdd a'u perfformiad. Roedd yn amlwg bod adroddiad wedi'i lunio ar gyfer y chwarter blaenorol a'i fod yn cynnwys adborth uniongyrchol gan bobl a gynorthwywyd/aelodau staff, yn ogystal ag unrhyw ddigwyddiadau/cwynion/diogelu, cydymffurfio â hyfforddiant ac unrhyw gamau a nodwyd.
- 3.3 Darparwyd Datganiad o Ddiben y gwasanaeth, a hysbyswyd y Swyddog Monitro Contractau bod hwn wedi'i adolygu'n ddiweddar iawn. Ar hyn o bryd, nid yw'r ddogfen yn cynnwys dyddiad adolygu/dyddiad adolygu yn y dyfodol.
- 3.4 Y cynllun wrth gefn, pe bai'r Unigolyn Cyfrifol a'r Rheolwr Cofrestredig yn absennol, fyddai y byddai Rheolwr Ardal o ranbarth arall yn cyflenwi yn absenoldeb y Rheolwr Cofrestredig, a byddai'r Cyfarwyddwr Gweithredol yn gweithio yn lle'r Unigolyn Cyfrifol.
- 3.5 Er mwyn i'r gwasanaeth weithredu'n effeithiol, mae angen polisïau a gweithdrefnau gorfodol (mae rhai ohonynt yn cynnwys e.e. Diogelu, Rheoli Heintiau, Meddyginiaeth, Cwynion ac ati). Adolygwyd y rhain, ac roedd yn amlwg eu bod yn gyfredol i raddau helaeth. Roedd y polisïau'n gynhwysfawr, gan gyfeirio at y ddeddfwriaeth ddiweddaraf e.e. Deddf Gwasanaethau Cymdeithasol a Llesiant (Cymru) 2014, Deddf Rheoleiddio ac Arolygu Gofal Cymdeithasol (Cymru) 2016, y 'Cynnig Rhagweithiol' (Deddf yr Iaith Gymraeg). Ar adeg yr ymweliad, amlygwyd bod angen diweddarau rhywfaint ar y polisi Diogelu o ran terminoleg, a thynnwyd hyn i sylw'r Rheolwr a'r Unigolyn Cyfrifol.

4.0 Staffio

- 4.1 Ar hyn o bryd, mae 9 aelod o staff yn cael eu cyflogi i weithio yn yr eiddo yn Nelson.

- 4.2 Mae'r bobl a gynorthwyr yn elwa o dîm staff sefydlog a chyson, gyda dim ond un aelod o staff sydd wedi gadael y tîm yn ystod y flwyddyn ddiwethaf.
- 4.3 Adolygwyd dwy ffeil staff fel rhan o'r broses fonitro. Archwiliwyd y rhain ac roedd tystiolaeth bod gwybodaeth berthnasol wedi'i chasglu fel rhan o'r broses recriwtio. Roedd y ffeiliau staff yn cynnwys prawf adnabod/ffotograff, ffurflen gais, disgrifiad swydd, dau eirida, contract cyflogaeth wedi'i lofnodi, cofnodion cyfweld (gan gynnwys mecanwaith sgorio a senarios heriol i farnu addasrwydd yr ymgeisydd ar gyfer y rôl).
- 4.4 Roedd tystiolaeth y gwnaed cais am wybodaeth y Gwasanaeth Datgelu a Gwahardd (DBS) a bod gan y darparwr system ar gyfer cofnodi hyn.
- 4.5 Roedd y ddau eirida yn y ffeiliau staff yn cynnwys llwybrau archwilio da yn dangos lle yr aethpwyd o hyd i eiridaon a lle na chafwyd y rhain.
- 4.6 Mae'r eiddo yn Nelson wedi'i staffio ar sail 24 awr gyda threfniadau cysgu i mewn ac aelodau staff ar ddyletswydd effro yn y nos ar waith.
- 4.7 Mae trefniant ar alwad yn ei le lle mae uwch staff ar gael i gynnig cyngor/cymorth os bydd argyfwng. Mae hyn yn ei gwneud yn ofynnol i uwch staff sicrhau eu bod ar gael drwy gydol y diwrnod gwaith a rheoli eu gwyliau blynyddol ac ati yn unol â hynny. Mae trefniant ffurfiol ar alwad ar gyfer amseroedd y penwythnos sy'n dod o dan y Rheolwyr Tîm a'r staff Rhanbarthol/Uwch.

5.0 Canmol a chwyno

- 5.1 Cynorthwyr pobl i wneud cwynion drwy gyfarfodydd tŷ rheolaidd a gellir mynegi barn drwy ddigwyddiadau 'Yn Well Gyda'n Gilydd' a chyfarfodydd cyfranogi a gynhelir gan Mirus. Cynhelir digwyddiadau 'Yn Well Gyda'n Gilydd' ddwywaith y flwyddyn ac fe'u defnyddir i gael barn ar y gwasanaeth drwy bobl a gynorthwyr ac aelodau o'r teulu. Roedd yn amlwg o adroddiad diweddaraf yr Unigolyn Cyfrifol bod un wedi'i gynnal yn ystod chwarter cyntaf y flwyddyn a bod presenoldeb yn y digwyddiad yn dda iawn.
- 5.2 Mae gan y darparwr broses gwyno glir sy'n darparu llinellau cyfathrebu clir ac amserlenni y dylid cadw atynt. Adolygwyd y polisi cwynion ym mis Medi 2018 ac ar hyn o bryd mae'n cael ei ailadolygu oherwydd rhai newidiadau gofynnol. Byddai'r Rheolwr Ardal yn gyfrifol am archwilio unrhyw gwynion.

6.0 Adolygiad Ansawdd Gofal

- 6.1 Mae'r Unigolyn Cyfrifol yn gwbl ymwybodol o'i gyfrifoldeb i gasglu adborth mewn perthynas â'r gwasanaeth a'r gofyniad i hyn gael ei wneud yn rheolaidd bob 6 mis, yn unol â rheoliadau AGC. Mae angen i hyn gynnwys coladu/dadansoddi adborth a gafwyd gan yr holl randdeiliaid, materion a gwersi a ddysgwyd o gwynion/materion diogelu, patrymau/tueddiadau a nodwyd drwy ddigwyddiadau arwyddocaol, canlyniadau adroddiadau arolygu/ymweliadau monitro'r Unigolyn Cyfrifol ac archwiliadau.

7.0 Sesiynau sefydlu a hyfforddiant

- 7.1 Mae cyrsiau hyfforddi'n dal ar gael drwy ystod o ddarparwyr, h.y. Tîm Nyrsio Anableddau Dysgu Cymunedol Caerffili, darparwyr hyfforddiant preifat, hyfforddiant mewnol ac E-ddysgu (ar gyfer cyrsiau fel lechyd a Diogelwch).
- 7.2 Gofynnir i ofalyddion newydd gwblhau Fframwaith Sefydlu Cymru Gyfan sydd wedi'i lunio ar gyfer gweithwyr gofal cartref/byw â chymorth gan Gofal Cymdeithasol Cymru. Mae hyn yn cynnwys llawer o feysydd/safonau ymddygiad ac ymarfer proffesiynol sy'n ofynnol gan weithwyr gofal cymdeithasol. Tra bod hyn yn cael ei gwblhau, mae disgwyl i weithwyr cymorth ymgymryd â'u hyfforddiant gorfodol er mwyn bod yn barod ar gyfer y rôl.
- 7.3 Mae'r math o hyfforddiant gorfodol yn cynnwys e.e. Codi a Chario, Cymorth Cyntaf, Diogelu (lefel 2), Ymwybyddiaeth o Feddyginiaeth ac ati. Ymdrinnir â chanllawiau hylendid bwyd yn y cwrs lechyd a Diogelwch a gynhelir. Mae hyfforddiant nad yw'n orfodol arall yn cynnwys e.e. Epilepsi a Rhoi Meddyginiaeth yn y Foch, Deall Ymddygiad ac ati, ac fe'u trefnir yn unol ag anghenion y gwasanaeth.
- 7.4 Mae holl aelodau tîm y staff cyfredol wedi cyflawni Cymhwyster Galwedigaethol Cenedlaethol neu gymhwyster y Fframwaith Credydau a Chymwysterau mewn Gofal Cymdeithasol. Cytunwyd bod hyn yn gadarnhaol o ran hyfforddiant staff, ond hefyd o ran y gofyniad i staff gofal cartref/gweithwyr cymorth gofrestru gyda Gofal Cymdeithasol Cymru erbyn Ebrill 2020. Hysbyswyd y Swyddog Monitro Contractau bod pawb ar wahân i un aelod o staff wedi cofrestru gyda Gofal Cymdeithasol Cymru hyd yma, ond roedd cynlluniau i'r unigolyn hwnnw wneud hyn maes o law.

8.0 Goruchwylio ac Arfarnu

- 8.1 Mae Mirus-Wales yn cyrchu gwybodaeth oruchwylio ac arfarnu drwy eu System Dysgu Diogelwch electronig sy'n rhoi sbardun pryd mae'r sesiynau hyn i fod i gael eu cynnal. Yn ôl y system, roedd yn amlwg bod staff wedi derbyn goruchwyliaethau bob 3 mis (yn unol â RISCA), a bod arfarniadau blynyddol wedi'u cynnal hefyd.
- 8.2 Cynhelir sesiynau goruchwylio yn bennaf ar sail un i un er eu bod yn cael eu cynnal fel grŵp yn ôl yr angen.

9.0 Camau Unioni/Datblygiadol

9.1 Camau unioni

- 9.1.1 Diweddarau'r polisi diogelu i ddiweddarau terminoleg. **Amserlen: O fewn 2 mis.** (*RISCA Rheoliad 6.*)

9.2 Camau datblygiadol

Ni nodwyd unrhyw gamau.

10.0 Casgliad

- 10.1 Roedd yn amlwg bod yr Unigolyn Cyfrifol yn gwbl ymwybodol o'i gyfrifoldebau i ymweld â, ac adrodd ar, ansawdd a pherfformiad y gwasanaethau yn rheolaidd.
- 10.2 Mae'n ymddangos bod polisiau/gweithdrefnau gorfodol yn gryf ac yn gyfredol.
- 10.3 Cynorthwyr pobl gan dîm staff sefydlog sy'n cael eu goruchwyllo ac sy'n derbyn hyfforddiant priodol i gyflawni eu swyddi. Mae Mirus-Wales yn deall y gofyniad i gofrestru gyda Gofal Cymdeithasol Cymru erbyn Ebrill 2020, ac mae unigolion eisoes wedi gwneud hynny gyda mesurau ar waith i sicrhau bod holl aelodau'r staff yn ymgymryd â hyn ymhell cyn y dyddiad cau.
- 10.4 Ychydig iawn o bryderon/materion a adroddwyd i Dîm Comisiynu Caerffili ers ymweliad blaenorol â'r Brif Swyddfa yn 2017, sy'n gadarnhaol.
- 10.5 Hoffai'r Swyddog Monitro Contractau ddiolch i'r Unigolyn Cyfrifol, y Rheolwr Rhanbarthol a'r Rheolwr Tîm am eu hamser a'u croeso yn ystod yr ymweliad monitro.

Awdur: Andrea Crahart
Swydd: Swyddog Monitro Contractau
Dyddiad: Hydref 2019

D.S. Bydd yr adroddiad hwn ar gael ar wefan Cyngor Bwrdeistref Sirol Caerffili. Bydd copïau caled o'r adroddiad hefyd ar gael i ddarpar denantiaid a/neu eu teuluoedd ar gais.